

重刻中山傳信錄

三

洋学文庫
文庫 8
C 123
3


中山世系

中山世系

封貢事

中山世系

41-MSR





中山傳信錄卷第三


中山世系

封貢事蹟附

晴侯氏曰

晴侯氏曰

中山傳信錄卷第三



中山世系圖
 中山傳信錄卷三
 陸貞車題



中山世系圖

○舜天——舜馬順熙——義本

○英祖——大成——英慈——玉城——西威

○察度——武寧

○思紹——尚巴志——尚忠——尚思達——尚金福

尚泰久 尚德

○尚圓宣威 尚真 尚清 尚元 尚永 尚寧

尚豐
├── 尚賢
├── 尚質
├── 尚貞
├── 尚純
├── 尚益
└── 尚敬

中山傳信錄卷第三

冊封琉球國王副使 賜正一品麟蟒服翰林院編修加二級臣徐葆光纂

中山世系

臣按前使汪楫誤中山沿革志皆採前明實錄時
汪與修明史採錄頗稱詳備然皆就其封貢往來
中朝者言之故一一明悉至本國承襲先後之間
或多昧焉時據所稱世續圖所載互訂一二而已
臣今至國遍訪所謂世續圖者不獨民間無其書
即國庫中亦無其圖惟抄撮尚宣威以前事名中

山世鑑事與中山沿革志所載頗有不合者後細
詢本國此書乃尚質從弟尚象賢字文英者爲之
汪使封尚貞王時此書尚未成也中山開闢以來
至舜天始有國字至尚象賢始窮搜博采集成此
書本國稱其聰明才俊佐其姪尚貞有功於國其
書必詳盡事理惜未及見其全書今但考其歷
代世系而以汪楫所採明史實錄中封貢往來之
事附於其次以備考云

中山世鑑云琉球始祖爲天孫氏其初有一男一女

生於大荒自成夫婦曰阿摩美久生三男二女長男
爲天孫氏國主始也二男爲諸侯始三男爲百姓始
長女曰君君二女曰祝祝爲國守護神一爲天神一
爲海神也天孫氏二十五代姓氏今不可考故畧之
起乙丑終丙午凡一萬七千八百二年今斷自舜天
始

舜天

宋淳熙十四年丁未舜天卽位

舜天日本入皇後裔天里按司朝公男子也淳熙七

年庚子年十五。屢有奇徵。長爲浦添按司。人奉其政。斷獄不違。天孫二十五世政衰。逆臣利勇恃寵執權。鳩其君而自立。舜天討之。利勇死。諸按司推奉卽位。賞功罰罪。民安國豐。在位五十一年。壽七十二。嘉熙元年丁酉薨。

舜馬順熙

宋嘉熙二年戊戌。舜馬順熙嗣位。

舜馬順熙。舜天第一子。淳熙十二年乙巳生。五十四歲嗣位。在位十一年。壽六十四。淳祐八年薨。

義本

宋淳祐九年己酉。義本嗣位。

義本。舜馬順熙第一子。開禧二年丙寅生。四十四歲嗣位。其明年國中大饑。次年疾疫。人民半失。君歎息。召群臣曰。饑疫并行。不德誰讓。群臣舉惠祖。世嫡英祖。君大悅。召試國政。舉賢退不肖。疾疫止。遂攝政。七年。義本讓位。隱於北山。在位凡十一年。壽五十四歲。舜天至。義本凡三傳。共七十三年。

英祖

宋景定元年庚申英祖即位

英祖天孫氏後裔惠祖世主孫紹定二年己丑生有瑞徵十二歲名聞國家二十通經傳國人思事為伊祖按司寶祐元年癸丑攝政及即位年三十二明年巡行國中效周徹法正經界均井地然後穀祿平百度舉矣景定五年西北諸島始來貢咸淳二年丙寅北夷大島來朝厚給賜遣歸是為大島朝貢之始自後每年入貢英祖在位四十年壽七十一大德三年薨

英祖之德元平唐由

大成

元大德四年庚子大成嗣位

大成英祖世子宋淳祐七年丁未生五十四歲即位以仁義措事以禮讓接物國治民安在位九年壽六十二至大元年薨

英慈

元至大二年己酉英慈嗣位

英慈大成第二子宋咸淳四年戊辰生四十二歲即位。在位五年治遵舊章深而有謀疏通知事壽四十

宋景定元年庚申英祖即位

英祖天孫氏後裔惠祖世主孫紹定二年己丑生有瑞徵十二歲名聞國家二十通經傳國人思事為伊祖按司寶祐元年癸丑攝政及即位年三十二明年巡行國中效周徹法正經界均井地然後穀祿平百度舉矣景定五年西北諸島始來貢咸淳二年丙寅北夷大島來朝厚給賜遣歸是為大島朝貢之始自後每年入貢英祖在位四十年壽七十一大德三年薨

大成

元大德四年庚子大成嗣位

大成英祖世子宋淳祐七年丁未生五十四歲即位以仁義措事以禮讓接物國治民安在位九年壽六十二至大元年薨

英慈

元至大二年己酉英慈嗣位

英慈大成第二子宋咸淳四年戊辰生四十二歲即位。在位五年治遵舊章深而有謀疏通知事壽四十

六皇慶二年薨

玉城

元延祐元年甲寅玉城嗣位

玉城英慈第四子元貞二年丙申生十九歲即位世
 衰政廢內為邑荒外為禽荒諸按司不朝國分為三
 中山王山南王山北王山南王大里按司也佐敷知
 念玉城具志頭東風平鳴尻喜屋武摩文仁真壁兼
 城豐見城以上十一國從山南王山北王今歸仁按
 司也羽地名護國頭金武伊江大宜味今歸仁恩納

數國從山北王中山惟有首里王城那霸泊浦添北

溪中城越來讀谷山具志川勝連首里三平首里有西平南

平真地平等謂之三平等數國中山山南山北時時兵發角戰

數十年玉城在位二十三年壽四十一

西威

元至元三年丁丑西威嗣位

西威玉城第一子至和元年戊辰生十歲即位政歸
 母后牝雞亂政時察度為浦添按司有德國人歸服
 西威在位十四年壽二十三國人廢世子奉浦添

按司察度為王

英祖至西威凡五傳共九十九年

察度

元至正十年庚寅察度即位

察度浦添間切謝那村奧間大親之子奧間大親業農質純厚天女來格而生察度始為浦添按司西威薨世子五歲母后亂政國人廢世子奉之即位德厚民歸災變日銷國家豐饒

明史實錄洪武五年行

人楊載賚詔至國詔曰昔帝王之治天下凡日月所

皆至光緒親應元年庚寅

照無有遠邇一視同仁

此句之下中山世鑑有故中國尊安四夷得所非有意臣

服之也

自元政不失綱天下兵爭者十有七年

下有四方

三句也

朕起布衣開基江左命將四征不庭

漢主陳友諒東縛吳王張士誠南平閩越北清幽燕

朕為臣民推戴即皇帝位定有天下之號曰大明建

元洪武

以上一段中山世鑑作朕肇基江左掃群推定華夏臣民推戴已主中國號曰大明建元

洪武是用遣使外邦播告朕意使者所至稱臣入貢惟

爾琉球在中國東南遠處海外未及報知茲特遣使

往諭爾其知之

此段中山世鑑作頃者克平元都疆宇大同已承正統方與遠邇相安于

按司察度為王

英祖至西威凡五傳共九十九年

察度

元至正十年庚寅察度即位

察度浦添間切謝那村奧間大親之子奧間大親業農質純厚天女來格而生察度始為浦添按司西威薨世子五歲母后亂政國人廢世子奉之即位德厚民歸災變日銷國家豐饒

明史實錄洪武五年行

人楊載賚詔至國詔曰昔帝王之治天下凡日月所

照無有遠邇一視同仁

此句之下中山世鑑有故中國尊安四夷得所非有意臣

服之也

自元政不失綱天下兵爭者十有七年

下有四方

三句也

朕起布衣開基江左命將四征不庭西平

漢主陳友諒東縛吳王張士誠南平閩越北清幽燕

朕為臣民推戴即皇帝位定有天下之號曰大明建

元洪武

以上一段中山世鑑作朕肇基江左掃群推定華夏臣民推戴已主中國號曰大明建元

洪武是用遣使外邦播告朕意使者所至稱臣入貢惟

爾琉球在中國東南遠處海外未及報知茲特遣使

往諭爾其知之

此段中山世鑑作頃者克平元都疆宇大同已承正統方與遠邇相安于

無事以共享太平之福。惟爾四裔君長，於是王遣弟

酋帥等，遐邇未聞，故茲詔示，想宜知悉。

泰期奉表貢方物。中山世鑑云：其貢物，馬、刀、金、銀、酒、擢子、扇、泥、金、扇、生、紅、銅、錫、生、熟、夏、布、牛、皮、降、香、木、香、速、香、檀、香、黃、熟、香、蘇、木、烏、木、胡、椒、硫、磺、磨、刀、石、是

為琉球通中國之始。七年，王又遣泰期等入貢，并

上皇太子箋，貢物如之。太祖賜大統曆及文綺紗羅。

賜泰期衣幣靴襪，副使惹爬燕之。及通事從人皆有

賜。泰期復來貢，并上皇太子箋，命刑部侍郎李浩齎

賜文綺陶鐵器，且以陶器七萬，鐵器千，就其國市馬

及流黃。九年夏，王遣泰期從浩入貢馬四十匹。浩

明太祖洪武五年

日本後香能元應安五年

長洲抄本

貴磁器鐵金，自是賞賚多用諸

物。十年，王又遣泰期等表賀元旦，貢馬十六匹，硫

黃千斤。十一年、十三年，貢方物，賜賚悉如例。十

五年，王又遣泰期及陪臣亞蘭匏等貢馬及硫黃。太

祖賜幣帛，有加命尚佩監奉御路，謙送泰期等返國。

十六年，王遣亞蘭匏表賀元旦，貢方物。山南王承

察度亦遣其臣師惹等奉表入貢。太祖賜王鍍金銀

印及幣帛七十二疋。山南王賜幣帛如之。時二王與

山北王互相攻伐，遣中使梁民勅王曰：王居滄海之

無事以共享太平之福。惟爾四裔君長，於是王遣弟

酋帥等，遐邇未聞，故茲詔示，想宜知悉。

泰期奉表貢方物。中山世鑑云：其貢物，馬、刀、金、銀、酒、擻子、扇、泥、金、扇、生、紅、銅、錫、生、熟、夏、布、牛、皮、降、香、木、香、速、香、檀、香、黃、熟、香、蘇、木、烏、木、胡、椒、硫、磺、磨、刀、石、是

為琉球通中國之始。七年，王又遣泰期等入貢，并

上皇太子箋，貢物如之。太祖賜大統曆及文綺紗羅。

賜泰期衣幣靴襪，副使惹爬燕之。及通事從人皆有

賜。泰期復來貢，并上皇太子箋，命刑部侍郎李浩齎

賜文綺陶鐵器，且以陶器七萬，鐵器千，就其國市馬

及硫磺。九年夏，王遣泰期從浩入貢馬四十匹。浩

言其國不貴純綺，惟貴磁器、鐵、金。自是賞賚多用諸

物。十年，王又遣泰期等表賀元旦，貢馬十六匹，硫

黃千斤。十一年、十三年，貢方物，賜賚悉如例。十

五年，王又遣泰期及陪臣亞蘭匏等貢馬及硫黃。太

祖賜幣帛，有加。命尚佩監奉御路，謙送泰期等返國。

十六年，王遣亞蘭匏表賀元旦，貢方物。山南王承

察度亦遣其臣師惹等奉表入貢。太祖賜王鍍金銀

印及幣帛七十二疋。山南王賜幣帛如之。時二王與

山北王互相攻伐，遣中使梁民勅王曰：王居滄海之

中崇山環海為國事大之禮不行亦何患哉王能體
天育民行事大之禮自朕即位十有六年歲遣人朝
貢朕嘉王至誠命尚佩監路謙報王誠禮何期復遣
使來謝今令內使監丞梁民同前奉御路謙賚符賜
王鍍金銀印一近使者歸言琉球三王互爭廢農傷
民朕甚憫焉詩曰畏天之威於時保之王其罷戰息
民務修爾德則國用永安矣諭山南王承察度山北
王怕尼芝曰上帝好生寰宇之內生民眾矣天恐生
民互相殘害特生聰明者王之邇者琉球國王察度

堅事大之誠遣使來報而山南承察度亦遣人隨使
者入觀鑒其至誠深可嘉尚近使者自海中歸言琉
球三王互爭廢棄農業傷殘人命朕聞之不勝憫憐
今遣使諭二王能體朕意息兵養民以綿國祚則天
祐之不然悔無及矣于是王及山南王山北王皆遣
使人謝各賜衣幣十七年王遣阿不耶等入貢賜
鈔幣十八年表賀元旦貢方物太祖賜王海舟一
山南王如之又補給山南王山北王駝紐鍍金銀印
各一十九年王遣亞蘭鞞等貢馬百一十四匹硫磺

萬二千斤。賜宴及鈔。二十年王遣亞蘭匏等貢方物。進皇太子箋。獻馬。山南王承察度叔汪英紫氏。山北王帕尼芝亦各遣使入貢。二十一年王遣使甚模結致等貢馬賀天壽聖節。二十三年表賀元旦。貢方物。世子武寧亦貢馬五匹。硫磺二千斤。胡椒二百斤。蘓木三百斤。通事屋之結者。携胡椒三百斤。乳香十斤。為門者所獲。當入官。詔還之。仍賜屋之結等六十人。鈔各十錠。中山世鑑云。洪武二十二年庚午。南夷宮古鳥八重山島始來貢。其後每年來貢。二十四年王及世子武寧遣亞蘭匏。鬼谷

致等貢馬及方物。山南王叔汪英紫氏亦遣使表賀天壽聖節。二十五年王及世子武寧各進表箋。貢馬。并遣從子日孜。每濶八馬。寨官子仁悅。慈入國子監讀書。國人就學。自茲始。太祖各賜衣巾靴襪。并夏衣一襲。鈔五錠。秋又賜羅衣各一襲。及靴襪衾褥。山南王承察度亦遣從子三五郎。尾及寨官子實。他盧尾。賀段志等入國子監讀書。賚如中山例。先是國人。才孤那等二十八人。採硫磺于河蘭埠。遇風飄惠州海豐。為邏卒所獲。語言不通。以為倭人。送至京。至是

貢使為白其事。太祖皆遣歸。賜閩人善操舟者二十

六姓。以便往來。萬曆中副使謝行人杰記云洪永二

凡三十六姓今所存者僅七姓中山世鑑云今存者僅蔡鄭林梁金五家。二十六年王

遣使麻州等貢方物。已又遣使壽禮結致等貢馬。借

寨官子段志每入國子監讀書。太祖命賜夏衣靴襪。

秋又賜羅絹衣各一襲。廉從各給布衣。二十七年

王遣亞蘭匏等貢方物。賜宴于會同館。二十八年

王遣王相亞蘭匏貢方物。山北王珉山南王叔汪英

紫氏亦各遣使入貢。太祖賜鈔有差。二十九年王

兩遣使貢方物。山北王攀安知山南王承察度山南

王叔汪英紫氏亦入貢。詔遣三五郎疊等歸省。賜三

五郎疊白金七兩。絲緞六表裏。鈔五十錠。寨官子實

那盧疊鈔二十錠。絲緞一表裏。歸未數月。會世子武

寧遣使貢借寨官子麻奢理誠志魯二人入國子監

就學。三五郎疊復與俱來。請卒業。太祖許之。仍賜衣

冠靴襪。三十年王兩遣使貢馬及硫磺。山北王攀

安知山南王叔汪英紫氏亦入貢。三十一年王遣

亞蘭匏等貢馬及硫磺。世子武寧貢如之。女官生姑

魯妹偕入謝恩。以昔常在京讀書也。太祖賜鈔，有差。三月，太祖命以冠帶賜王。先是，王嘗請中國冠帶，太祖命禮部圖冠帶之制示之。至是，匏等復以為請。賜如制，并賜臣下冠服。永樂改元，遣使以卽位詔諭王。王遣從子三五良亶奉表賀，且貢方物。成祖賜鈔幣襲衣，宴於會同館。遣行人邊信劉亢齎絨錦綺紗羅賜王。

臣按中山世鑑云：王在位四十六年。洪武二十八年十月五日薨。今實錄二十九年，後尚書王貢如

常。豈未訃於朝耶。

武寧

明洪武二十九年丙子，武寧嗣位。

中山世鑑云：武寧，察度世子。元至正十六年生，四十一歲嗣位。違父遺命，荒於禽色，日夜逸遊，諸侯多背尚巴志，討滅之。在位二十六年。

明史實錄云：察度卒，子武寧遣三五良亶訃告於朝。永樂二年正月，成祖遣行人時中往祭，賻以布帛。詔武寧襲爵，詔曰：聖王之治，協和萬邦，繼承之道，率由

常典故琉球國中山王察度受命皇考太祖高皇帝
作屏東藩克修臣節暨朕即位率先歸誠今既歿爾
武寧乃其世子特封爾為琉球國中山王以承厥正
惟儉以修身敬以養德忠以事上仁以撫下克循茲
道作鎮海邦永延世祚欽哉四月山南王弟汪應祖
亦受封於朝應祖故山南王承察度從弟承察度無
子遺命應祖攝國事元年常遣長史王茂朝貢會山
北王攀安知遣使善住古耶貢方物丐賜冠帶衣服
以變國俗成祖許之至是應祖遣使隗谷結致來朝

貢方物且奏乞如山北王例賜冠服成祖遂遣使齎
詔封之賜如所請偕其使俱還二年行人時中使琉
球還王遣三五良亶奉表貢方物謝襲封恩賜衣幣
宴於會同館已又遣養卑結制等賀萬壽聖節時山
北王攀安知山南王汪應祖亦遣貢應祖又遣寨官
子李傑赴國子監受學賜衣如例 四年王及山南
王山北王皆表賀元旦王遣寨官子石達魯等六人
就學賜衣鈔有差王進闈者數人成祖不受

臣按前使汪楫記云世續圖云洪武二十九年王

即位凡在位二十六年其國繼世嗣位類先自立而後請於朝故所紀嗣位之年與中朝遣封之時多不合然明初貢使時通封卒年歲不應參差如是即云洪武二十九年嗣位中更靖難赴告踰期顧在位二十六年則永樂之末尚宜無恙何五年遂有祭賻之典耶按中山世鑑云武寧在位二十六年卒於永樂十九年辛丑尚巴志於永樂二十一年立與世續圖所記同皆非是遍問國中老成云武寧永樂四年受封薨於永樂三年在位十年尚

巴志既滅山南山北遂并滅中山王合三國為一而奉其父思紹為王明史實錄永樂五年世子思紹告其父武寧之喪來請嗣爵若合符節為不謬云

察度至武寧凡二傳共五十六年

思紹

明永樂四年丙戌思紹即位

明史實錄云永樂五年四月世子思紹遣三吾良童貢馬及方物別遣使以其父武寧訃告成祖命禮部

賜祭賻詔思紹嗣王爵

按中山世鑑云宣德三年封尚巴志為中山王乃追封其

父思紹為王非也追封之王主不入廟今先王廟中有思紹神主其及身為王明矣況實錄又鑿然可據無疑也

六年王遣使阿勃吾斯奉表貢方物謝襲封

恩時山南王汪應祖亦貢馬各賜鈔幣

七年王遣使賀萬壽聖節山南王汪應祖亦貢馬各賜衣幣

八年王遣三吾良疊朝貢山南王汪應祖亦遣使賀

萬壽聖節皇太子皆賜之鈔幣王遣官生模都古等

三人入國子監受學皇太子各賜中衣靴條衾褥帳

具通事林佑本中國人啓請賜冠帶從之

九年王遣三五良疊賀元旦偕王相之子懷德寨官之子祖

魯古入國子監受學又遣使坤宜堪彌貢馬及方物

疏言長史王茂輔翼有年請陞茂為國相兼長史事

又言長史程復一作朱復饒州人輔臣祖察度四十餘年

勤誠不懈今年八十有一請命致仕還其鄉悉報可

十年王遣使賀元旦山南王汪應祖亦入貢已又

遣使賀萬壽聖節成祖賜鈔幣又賜琉球生夏布襪

衫條靴

十一年王兩遣使貢馬偕寨官子鄔同志

久等三人一作三人入國子監受學已又與山南王汪

應祖各貢馬，賜鈔及永樂錢。十二年王遣使賀元旦，遣三吾良壘貢馬及方物，賜鈔幣。皇太子賜琉球生益智，每等二人。羅布衣各一襲，及襪衫靴襪衾褥帷帳，從人皆有賜。成祖賜鄔同志、久等三人衣鈔。十三年成祖遣行人陳季芳一作若等齎詔封山南王汪應祖、世子他魯每為琉球國山南王。時應祖為其兄達勃期所弑，各寨官合兵誅達勃期，推他魯每攝國事。他魯每表請襲封，故遣使往，并賜誥命冠服及鈔萬五千錠。王及山北王攀安知俱各遣使貢方物。

王世子尚巴志亦遣使，宜是結制貢馬及方物，賜文綺三十表裏。十四年王遣三吾良壘貢馬及方物。已又遣使貢馬。山南王他魯每亦遣使來貢，謝襲封恩。十五年王及山南王他魯每俱遣使貢，賜賚甚厚。已又與世子尚巴志各遣使貢馬。十六年王兩遣使貢方物，成祖賜使者冠帶鈔幣，有差。十七年王三遣使貢馬及方物。二十年王遣使賀元旦，已又遣貢方物。二十一年世子尚巴志遣使奉表貢方物。皇太子命禮部宴勞之。二十二年二月王討

聞於朝。命禮部遣官賜祭。賻以布帛。九月遣行人周彝齋勅以行。一作仁宗嗣位命行人方彝詔告其國。

臣按中山沿革志云。思紹永樂五年嗣位。二十三年卒。在位十八年。非也。王在位十六年。永樂十九年薨。今明史實錄二十年以後尚書王貢如常。至二十二年始訃於朝。未詳其故。

尚巴志

明永樂二十年壬寅尚巴志嗣位。

中山世鑑云尚巴志佐鋪按司思紹嫡子也。洪武五

年壬子生。洪武三十五年壬午年三十一嗣父思紹為佐鋪按司。賞罰不違。視民饑如己饑。民寒如己寒。南方諸侯歸之者甚衆。時山南王恃勝而驕。窮欲於人朝暮遊宴。諸侯皆遁。歸服於佐鋪按司。共兵攻落山南王。遂進兵浦添。并攻落中山王。山北王皆次第降。當元延祐中國分為二百有餘年。中山山北交攻七十餘戰。山北輒勝。今戰敗自殺。中山王順天御坐琉球國。又合為一統。永樂二十一年癸卯秋遣使奏曰。我琉球國分為三者。百有餘年。戰無止時。臣民塗

炭臣巴志不堪悲歎爲此發兵山南山北今歸太平
伏願陛下聖鑒不違舊規給臣襲封謹貢土產馬及
方物大明皇帝賜詔云爾琉球國分人民塗炭百有
餘年比爾義兵復致太平是朕素意自今以後慎終
如始永綏海邦子孫保之欽哉故諭尚巴志之奏及成祖之諭明史實錄皆不載姑存以備考

明史實錄云洪熙元年仁宗遣中官柴山齋勅至國
封世子尚巴志嗣中山王勅曰昔我皇考太宗文皇
帝躬膺天命統御萬方恩施均一遠邇歸仁爾父琉

球國中山王思紹聰明賢達茂篤忠誠敬天事大益
久弗懈我皇考良用褒嘉今朕纘承大統念爾父沒
已久爾其嫡子宜俾承續特遣內官柴山齋勅命爾
嗣琉球國中山王爾尚立孝立忠恪守藩服修德務
善以福國人斯爵祿之榮延於無窮尚其祇承無怠
無忽仍賜冠帶襲衣文綺方仁宗遣山時貢使巴爾
至表稱世子賀成祖萬壽聖節至是始知改元是年
凡四遣使貢馬及方物云宣德元年王遣使貢方
物謝襲封恩附奏曰臣祖父昔蒙朝廷大恩封王爵

賜皮弁冠服。洪熙元年，臣奉詔襲爵而冠服未蒙頒賜。宣宗命行在禮部稽定制製以賜之。先是仁宗遣封已賜冠帶，而王復以為請，故宣宗特賜以皮弁冠服。王遣使鄭義才進香長陵。義才言海風壞舟，附內官柴山舟得達，乞賜一舟歸國，且便朝貢。宣宗命行在工部與之已。又兩遣使貢馬及硫磺，賜襲衣靴襪。有差。二年，王兩遣使貢方物。時山南王他魯每亦遣使進香長陵。三年，王遣使鄭義才貢馬及方物。謝賜皮弁海舟。宣宗賜義才等冠帶及金織紵絲襲衣。

衣餘皆素紵襲衣。宣宗以朝貢彌謹，遣使齋勅勞之。并賜王紵絲紗羅錦緞已。又遣內官柴山副使阮漸齋勅賜王金織紵絲紗羅絨錦。四年，王遣使表貢賀萬壽聖節已。又兩遣使貢馬及方物。山南王他魯每亦兩遣使入貢，俱賜宴及鈔幣。又命山南王使齋勅及鈔絹歸賜王。汪記云：自是山南王不復遣使，蓋併於中山矣。永樂十三年以後，山北、王攀安知不復入貢，則山北先山南而亡者十四年矣。五年，王四遣使入貢。宴賚如例。仍賜王鈔二萬一千七百六十錠。六年，王兩遣使入貢，又表貢馬及金銀器皿。謝賜錦幣。

七年宣宗以外國朝貢獨日本未至命內官柴山齋
 勅至國令王遣人往日本諭之明年來朝宣宗命行
 在工部給中山貢使漫泰來結制海舟一以貢使言
 來舟損壞故是年王遣使入貢者凡四宴賚如例
 八年王遣使入貢者凡二宴賚如例 九年王遣使
 貢馬及方物已又遣使謝賜衣服海舟宣宗賜幣有
 差仍命齋勅及幣歸賜王 十年王遣使謝禮部尚
 書胡濙奏量遣正副使從人二十人赴京餘悉留
 彼處給待從之 正統元年英宗頒賜大統曆適王

遣貢使伍是堅至令是堅齋回勅諭王及日本國王
 源義王再遣使貢馬及方物使者至福建如例止具
 貢物以聞其自携螺殼九十海巴五萬八千失於自
 陳有司以漏報沒入使者籲請給值英宗命行在禮
 部如例給之後浙江市舶提舉司王聰復以為言英
 宗謂禮部曰海巴螺殼遠人資以貨殖取之奚用命
 悉還之仍著為令 二年王遣陪臣義魯結制等貢
 馬及方物奏稱本國各官冠服皆國初所賜年久朽
 敝乞更賜又言本國遵奉正朔而海道險阻受曆之

使或半載一載方返事下禮部覆奏命冠服本國可
依原降造用大統曆福建布政司給與之三年遣
使義魯結制等貢馬及方物賜幣有差四年遣使
梁求保入貢已又遣阿普禮是等入貢賜宴幣如例
巡按福建監察御史成規疏言琉球使臣俱於福建
停憇通事林惠鄭長所帶番稍人從二百餘人除日
給廩米外其茶鹽醯醬等物勒折銅錢按數取足稍
緩輒肆詈毆漸不可長事下禮部以爲於例止日給
廩米一切費宜悉罷之其通事人員不行禁戢請治

罪英宗以遠人姑示優容令移文戒諭之十五年王
遣步馬結制等貢馬及方物宴賚如例先是朝貢者
朝參出入皆給馬至是令止給正副使著爲令中山
世鑑云賜尚姓自茲始自是定例二年一貢巴志在
位十八年壽六十八正統四年己未薨

尚忠

明正統五年庚申尚忠嗣位

尚忠尚巴志第二子洪武二十四年辛未生五十歲
嗣位正統七年遣長史梁求保入貢以巴志訃告乞

嗣位英宗遣給事中俞忭行人劉遜齋詔至國詔曰
昔我祖宗恭天明命君主天下無間遠邇一視同仁
海外諸國咸建君長以統其衆朕承大寶祇奉成憲
用圖永寧故琉球國中山王尚巴志爰自先朝恭事
朝廷勤修職貢始終如一茲既云亡其世子尚忠敦
厚恭慎克類前人上能事大下能保民今遣正使給
事中俞忭副使行人劉遜齋勅封為琉球國中山王
以主國事爾大小頭目人等其欽承朕命盡心輔翼
惇行善道俾國人咸樂太平副朕仁覆蒼生之意并

勅王曰爾遣長史梁求保奏爾父王尚巴志亡歿良
深悼念特遣使命爾為琉球國中山王以主國事爾
宜篤紹爾父之志益堅事上之誠敬守臣節恭修職
貢善撫國人和睦隣境庶幾永享太平之福仍賜王
及妃皮弁冠服金織襲衣幣布等物當林等未至忠
已兩遣使貢馬及賀明年元旦猶稱世子云 九年
王遣使入貢者四使臣梁回奏乞一海船以便歲時
朝貢從之 十年王遣使入貢者二宴賚如例 十
一年王遣使入貢者二宴賚如例

臣按中山世鑑云王在位五年壽五十四正統九年薨而實錄十年十一年尚書王貢紀年參差有誤。

尚思達

明正統十年乙丑尚思達嗣位。

尚思達尚忠子永樂六年戊子生二十八歲嗣位正統十二年遣長史梁求入貢以其父尚忠訃告請襲爵三月英宗遣給事中陳傅行人萬祥諭祭故王尚忠封世子思達嗣王勅曰爾比遣長使梁求等奏爾

父王尚忠亡歿良深悼念特封爾爲琉球國中山王繼承爾父主理國事爾宜篤紹先志敬守臣節恪修職貢簡任賢良善撫國人和睦隣境以保國土仍以皮弁冠服常服及織金紵絲羅縠等物賜王復詔諭其國臣庶盡心輔翼各循理分毋或僭踰俾凡國人同樂雍熙副朕一視同仁之意王遣通事蔡讓等貢馬及方物宴賚如例十三年王遣使入貢十四年王遣使梁同等貢馬及方物時福建尤溪沙縣方有寇警所司請緩期三月始達已又遣使馬權度等

入貢。王叔尚金福亦貢馬及方物，賜衣幣冠帶。命權度齋勅并綵幣歸賜王及王妃王叔。景泰元年遣使百佳尼朝貢。景帝命齋勅并文綺彩幣歸賜王及妃。通事程鴻言船壞不能返國，願以賜幣造船。禮部請移文福建三司聽其自造，不得擾民。從之。已又遣使梁回貢馬及方物，宴賚如例。二年王遣使察都等入貢，亦以自備工料造船為請。禮部言今福建地方被賊，人民艱窘，宜令其候本國進貢。通事李敬等回日附載歸國。從之。已又遣使亞間美等入貢。王在

位五年。壽四十二。正統十四年己巳薨，無子。乃立王叔尚金福為王。

尚金福

明景泰元年庚午尚金福即位。

尚金福巴志第六子。洪武三十一年生。五十三歲即

位。景泰二年景帝遣左給事中喬毅殊域周咨錄作陳謨行人

童一作董守宏諭祭。故王思達封其叔尚金福為中山

王金福。兩遣使入貢，猶稱王叔。蓋命未達也。四年王四遣使入貢，宴賚悉如例。在位四年。壽五十六。景泰

四年癸酉薨

尚泰久

明景泰五年甲戌尚泰久即位

中山世鑑云泰久尚金福第一子永樂十三年乙未生四十歲即位

明史實錄云金福既卒其弟布里與其子志魯爭立焚燒府庫兩傷俱絕所賜鍍金銀印亦鎔壞國人推尚泰久權國事景泰五年泰久以聞并請鑄印頒賜命所司給之已又遣使入貢表稱琉球國掌國事王

弟尚泰久景帝命齋勅及綵幣歸賜王弟六年王弟

兩遣使入貢遣給事中嚴誠殊域周咨錄作李秉彝為正使行

人劉儉為副使齋詔封王弟尚泰久嗣王詔曰帝王

主宰天下恒一視而同仁藩屏表率國中或同氣以

相嗣朕躬膺天命撫馭諸侯琉球國王尚金福既薨

其弟尚泰久性資英厚國眾歸心茲特遣使齋勅封

為琉球國中山王凡彼國中遠近臣庶宜悉心輔翼

罔或乖違長堅忠順之心永享太平之福故茲詔示

咸使聞知又勅王曰爾自先世恪守藩維傳及爾兄

益隆繼述敬天事。上久而愈虔。屬茲薨逝。軫於朕懷。爾乃王弟宜紹國。封特遣使齎詔封爾為琉球國中。山王并賜爾及妃冠服綵幣等物。爾尚砥礪臣節。懷無國人欽哉。七年遣使入貢。猶稱王弟及冊封後遣使入謝。又遣使入貢。天順二年王遣使朝貢者三。二年王遣使李敬貢馬及金銀器皿。疏言本國王府失火。延燒倉庫銅錢。請照永樂宣德間例。所帶貨物以銅錢給。賜禮部以銅錢係中國所用。難以准給。宜將估計鈔貫照舊六分。京庫折支生絹其四分。

移文福建布政司收貯紵絲紗羅絹布等物。依時值關給從之。王遣使亞羅佳其等入貢宴賚如例。四年王遣使入貢。五年王遣使王察等貢馬及方物。六年王遣使程鵬等貢方物宴賚悉如例。

中山世鑑云。諸寺諸山建立大鐘。皆王所鑄。在位七年。壽四十六。天順四年庚辰薨。

臣按思達非金福子也。中山世鑑悞。汪記引世續圖云。泰久係尚思達之弟。而實錄則云金福之弟。蓋實錄止以請封之疏為據。他無可攷也。

尚德

明天順五年辛巳尚德嗣位。

尚德尚泰久第三子。正統六年辛酉生。二十一歲嗣位。天順六年遣使入貢。以泰久訃告。英宗命吏科右給事中潘榮行人司行人蔡哲充正副使往祭故王泰久。封世子尚德爲王。詔曰。朕紹帝王之統。繼祖宗之緒。主宰天下一視同仁。撫馭華夷。靡間遐邇。惟爾琉球國僻居海島。密爾閩中。慕義來庭。受封傳業。蓋有年矣。故國王尚泰久克篤勤誠。敬天事人。甫餘六

載。倏爾告終。先業攸存。可無承繼。其世子尚德性資仁厚。國衆歸心。茲特遣正使吏科右給事中潘榮副使行人司行人蔡哲齋詔往封。爲琉球國中山王。仍賜以皮弁冠服等件。凡國中官僚士庶宜同心輔翼。作我外藩。嗚呼。循理謹度。永堅率俾之忠。親族睦隣。丕冒咸寧之化。故茲詔示。悉使聞知。七年王遣使崇嘉山等入貢。宴賚如例。成化二年王遣使程鵬等貢馬及方物。賜宴及衣幣。三年王遣長史蔡璟入貢。賜幣。四年王遣使程鵬已又遣使讀詩貢馬。

及方物俱賜衣幣。五年王遣長史蔡璟入貢。又遣使查農是等入貢。宴賚如例。

中山世鑑云。尚德君德不修。朝暮漁獵。暴虐無道。鬼界島叛。不朝貢數年。王自將攻伐之。歸彌自滿。以致敗亡。在位九年。年未三十。成化五年己丑薨。壽二十九歲。世子幼稚。國人廢之。奉內間里主御鎖。側是為中山王尚圓。

思紹尚巴志。至尚德。凡七傳。共六十四年。

尚圓

明成化六年庚寅。尚圓即位。

中山世鑑云。尚圓北夷伊平人。即葉壁山也。永樂十三年乙未生。字思德。金其先不可知。或曰義本讓位。隱北山。疑卽其後也。一云葉壁有古嶽。名天孫嶽。尚圓卽天孫氏之裔也。父尚稷為里主。尚圓生有異瑞。年二十四。始渡國頭來仕中山。尚金福時始給黃帽。尚泰久時領主內間。內間之民皆親愛之。時久旱。田苗皆稿。獨其田不雨而潤。民驚傳為異。王懼。載妻子隱避。一十四年。德日懋。尚金福聞其賢。召為黃帽官。

轉御鎖側。卽今耳目官也。閭閻侃侃。萬事當理。德著民懷。尚德嗣位。多行不義。尚圓極諫。云君用財若無窮。殺人若不勝。尚德怒不聽。再避隱於內間。尚德卒。世子幼稚。群臣殺之於真玉城。請御鎖側立爲王。以安國家。尚圓固讓不獲。乃至首里卽位。除其虐政。順民所喜。山林隱逸。隨材器使。遠近蠻夷皆歸心焉。明史實錄云。成化七年。尚圓遣使蔡璟等入貢。以父尚德薨來。赴請襲爵。憲宗遣戶科都給事中丘弘爲正使。行人司行人韓文爲副使。齎儀物行慶弔禮。封

世子尚圓爲中山王。弘行至山東病卒。改命兵科給

事中官一作管榮偕文往。八年王遣長史梁應貢馬

及方物。宴賚如例。九年王遣王舅武實入貢。謝襲

封恩。十年王遣使沈滿志等貢馬及方物。宴賚如

例。仍以鈔絹酬其自貢物。值滿志等乞如舊制折給

銅錢不許。十一年王遣使程鵬入貢。附奏乞如常

例。歲一朝貢。憲宗勅王曰。王使朝貢已如例。賞賜遣

還近福建鎮守官奏通事蔡璋等還次福州殺人劫

財。非法殊甚。今因使臣還。特降勅省諭。勅至王宜問

璋等故縱其下之罪追究惡徒依法懲治自後定例
二年一貢止許百人多不過加五人除正員外不得
私附貨物并途次騷擾有累國王忠順之意其省之
十二年王遣使梁應等入謝會憲宗立皇太子應
因奏乞如朝鮮安南例賜詔齋回禮部以琉球日本
占城皆海外國例不頒詔憲宗特命降勅并以錦幣
歸賜其王及妃 十三年王遣使李榮奉表謝恩已
又遣程鵬貢馬及方物復請歲一遣使朝貢不許命
如前勅王在位七年壽六十二成化十二年薨

尚宣威

明成化十三年丁酉尚宣威攝位

中山世鑑云尚宣威尚圓之弟宣德五年庚辰生少
育於兄九歲從兄渡國頭至中山為黃帽官尚圓卒
世子尚真年十三宣威攝國事六閱月國人樂附後
引尚真掖就王位已東嚮立退隱於越來其年卒
世續圖云丙申八月四日卒 壽四十八謚義忠今其子孫尚存
尚真

明成化十三年丁酉尚真嗣位

尚真尚圓世子成化元年乙酉生年十三嗣位成化十四年遣長史梁應等請襲封憲宗命兵科給事中董旻爲正使行人司右司副張祥爲副使賫詔之國封世子尚真爲中山王賜皮冠服金鑲犀帶并以綵幣賜王及妃應等具奏仍欲一年一貢不許十五年王遣使李榮朝貢迎封冊賜宴及衣幣十六年王遣使馬怡世入謝附奏乞如舊制不許十八年王遣使貢馬及方物乞以陪臣子蔡賓等五人於南京國子監讀書令有司如舊制歲給衣服廩餼王又

以不時進貢爲請禮部言其意實假進貢以規市販之利宜勿聽禮部又言琉球國進貢舊例到京少則四五十人多則六七十人俱給賞有差邇因各國進貢率多奸弊每國止許五七人不過十五人到京餘俱留邊以俟今福建以例止容正議大夫梁應等十五人赴京旣已給賞餘六七十人俱留布政司宜發官帑以次均給庶不減削太甚失柔遠之意從之二十年王遣使程鵬貢馬及方物奏永樂年間所賜船破壞已盡止存其二乞自備物料於福建補造部

議許造其一。二十二年王遣使蔡曦貢馬及方物。二十三年遣陪臣馬審禮等貢方物謝恩至則孝宗嗣位登極四月賜冠帶衣幣仍命領詔賜王及妃錦幣。弘治元年王遣使皮揚那等從浙江入貢孝宗命却之以貢道當由福建且貢非其時也皮揚那等具以國王咨禮部文言成化二十一年本國正議大夫程鵬等進貢回國報知皇太子冊妃乃遣使表賀並貢方物禮部言琉球入貢雖與例限不合然遠人之情可念况箋文方物已至京難於終却請暫賜

容納後仍以舊例裁之或因福建風水不便取路浙江亦令審實奏請方許起送今次所給正副使綵緞等物宜如舊例番伴從人減半以示裁抑之意從之時蔡賓亦隨貢使至言成化中讀書南京國子監今吏部侍郎劉宣時爲祭酒特加撫恤乞容執贄於宣所致謝許之。三年王遣使馬仁等進香別遣王舅麻勃都入貢奏稱本國來貢人員近止許一十五人赴京物多人少恐致疎失又謂本國貢船抵岸所在有司止給口糧百五十名其餘多未得給孝宗命來

京許增五人增口糧二十名。五年七年皆遣正議大夫梁德入貢賜王錦緞宴賚德等如例。九年十年三年皆遣正議大夫鄭玖入貢賜王錦緞宴賚玖等如例。十五年王遣使入貢請於福建補造海船以便往回從之。十六年王遣使吳詩等往滿刺加國收買貢物遇風舟覆詩等百五十二人漂至海南登岸爲邏卒所獲廣東守臣以聞孝宗命送詩等於福建守臣處給糧贍養候本國貢使歸之。十七年王遣使具言前使遭風未回致失二年一貢之期至是

補貢納之。武宗登極命行人左輔頒詔至國正德二年王遣王舅亞嘉尼施等貢馬及方物奏乞每歲一貢禮部議琉球在昔朝貢不時至成化十一年因使臣不法勅令二年一貢今彼因入貢違期故爲此奏以飾非宜勿聽武宗特許之長史蔡賓奏乞自備工料修造貢船二隻禮部議行鎮巡官驗實量修不必改造賓復奏武宗曰令二船拆卸補造第勿過式四年王遣正議大夫程璉入貢五年請以官生蔡進等五人入國子監讀書許送南監仍給衣廩等

物如例。六年王遣正議大夫梁能。七年又遣正議大夫梁寬等貢宴賚如例。十年王遣長史陳義。十一年遣正議大夫梁龍貢馬及方物宴賚如例。十二年王遣正議大夫陳義入貢。十三年遣長史蔡遷。十五年遣長史金良貢馬及方物宴賚悉如例。嘉靖改元王遣王舅達魯加尼進香貢方物慶賀詔賜王及妃錦幣勅王仍遵先朝舊例。越二年一朝貢。每年不過百五十人。仍命福建巡按御史查勘驗放。三年王遣長史金良等二十人入貢。良言其國先

有正議大夫鄭繩領謝恩方物渡海風漂未至而表文在此請得先進許之。明年繩至言方物以舟敗至。是復進福建守臣以聞。世宗命就彼中宴賚遣還方物。令所司轉運。仍令繩賫勅轉諭日本國王。令捕繫倡亂者以獻。五年官生蔡廷美等請就國子監讀書。令禮部照例給廩米薪炭及冬夏衣服。中山世鑑云王在位五十年。天姿明敏。又能謙已。受益繼述父業。治道大明。政刑咸備。年六十二歲。以嘉靖五年薨。

尚清

明嘉靖六年丁亥尚清嗣位

尚清尚真第五子

汪錄云天纘王子非是中山王無稱天纘王者

弘治十年

丁巳生年三十一歲嗣位

嘉靖七年遣正議大夫

鄭繩等進貢請襲封繩等回至海中溺死

九年又

遣蔡瀚入貢申前請禮部以襲封重典命福建鎮巡

官查訪申報瀚請遣讀書官生蔡廷美等四人還本

國婚姻給賞幣布有差瀚又言來經日本日本國王

源義晴托齋表文乞赦其使臣宋素卿之罪併乞新

勘合金印復修常貢禮部驗其文俱無印篆言倭情

謾詐不可遽信勅琉球國王遣人傳諭日本令擒獻

首惡送回擄去指揮奏請裁奪十一年正議大夫

金良賚國中人民結狀請冊封世宗遣吏科左給事

中陳侃為正使行人司行人高澄為副使齋詔之國

詔曰朕恭膺天命為天下君凡推行乎庶政必斟酌

夫古禮其於錫爵之典未嘗以海內外而有間焉爾

琉球國遠在海濱久被聲教故國王尚真夙紹顯封

已踰四紀茲聞薨逝屬國請封世子尚清德惟克類

衆心所歸。宜承國統。朕篤念懷柔之義。用嘉敬順之誠。特遣使賚詔封爾爲琉球國中山王。乃賜以皮弁冠服等物。王宜慎乃初服。益篤忠勤。有光前烈。國中耆俊臣僚。其同寅翼贊。協力匡扶。尚殫事上之心。恪盡臣藩之節。保守海邦。永底寧謐。又勅王曰。惟爾世守海邦。繼膺王爵。敬順天道。世事皇明。爾父尚真。自襲封以來。恭勤匪懈。比者薨逝。良用悼傷。爾以家嗣。國人歸心。理宜承襲。茲特遣使封爾爲琉球國中山王。并賜爾及妃冠服綵幣等物。爾宜祇承君命。克紹

先業。修職承化。保境安民。以稱朕柔遠之意。十二年遣正議大夫梁椿入貢。表稱世子。時詔命猶未達也。十四年陳侃等還。言海中風濤之險。多藉神庥。不致顛覆。乞賜祭以答神貺。禮部議令布政司設祭一壇。報可。王遣王舅毛實等入貢。謝恩宴賚如例。仍以錦幣雜物賜王。先是王以金四十兩饋侃等。不受。實等并以金奏進。世宗命侃等受之。十七年王遣使陳賦入貢。宴賚如例。十九年王遣長史梁梓貢馬及方物。奏請補造海船四。以便續貢。許之。禁不得

違式 二十年王遣使殷達魯等入貢宴賚如例
二十一年長史蔡廷美招引漳州人陳貴等駕船之
國適與潮陽船爭利互相殺傷廷美乃安置貴等於
舊王城盡沒其貲貴等夜奔為守者所掩捕多見殺
於是誣貴等為賊械繫送福建廷美賫表將赴京陳
奏巡按御史徐宗魯會同三司官譯審別狀以聞留
廷美等待命得旨貴等違法通番着遵國典重治琉
球既屢與交通今乃敢攘奪貨利擅殺我民且誣以
賊詭逆不恭莫此為甚蔡廷美本宜拘留重處念素

係朝貢之國姑且放回後若不悛即絕其朝貢令福
建守臣備行彼國知之 二十二年王遣正議大夫
陳賦等貢馬及方物宴賚如例并以禮幣報王王請
遣官生梁炫等歸娶時炫等就學南監已踰七年詔
給資糧驛騎遣人護歸 二十四年王遣長史梁顯
入貢送還朝鮮漂流人口宴賚如例 二十六年王
遣陳賦入貢賦與蔡廷會偕來廷會祖蔡璟閩人永
樂中撥往琉球克水手而產籍在閩與終事中黃宗
槩上世有親至是廷會來宗槩與交通饋謁事覺逮

下詔獄。禮部請並罪賦革其賞。世宗曰：陳賦無罪，賞如例。蔡廷會交結朝臣，法當重治。念屬使姑革賞，示罰。蔡璟既永樂中撥出，何得於中國置產立籍行撫按官勘明處分。二十八年王遣正議大夫梁顯入貢，宴賚如例。二十九年王遣官生蔡朝用等五人詣京，請入監讀書許之。三十二年王遣長史梁炫入貢，宴賚如例。三十四年王遣正議大夫梁碩入貢，具言貢舟至港，其勢必壞，請令使臣買海上民船，駕還詔福建，守臣覆狀聽買，不得過大。又請放官

生蔡朝用等歸國，省親許之，遣使送歸。

中山世鑑云：王聰明智斷剛強英毅，能振其祖尙圓父尙真遺緒，國中事多所興革，至今法守東北屬國大島。嘉靖十六年恃遠絕貢不朝，王遣將往征之，復守朝貢，加常王在位二十九年，壽五十九歲。嘉靖二十四年卒。

尚元

明嘉靖三十五年丙辰尚充嗣位。

尚元尚清第二子。嘉靖七年戊子生，年二十九歲嗣。

位嘉靖三十六年尚元遣正議大夫蔡廷會等入貢請襲封先是二十五年倭寇自浙敗還入海至琉球境中山王世子尚元遣兵邀擊盡殲之得中國被掠人金坤等六名至是廷會等入貢獻還因言窮島遠人須乘夏令遇南風汎始得歸國乞如三十四年例每歲自行修買歸舟不候題請世宗嘉其忠順許之仍賜勅獎諭賞銀五十兩綵幣四表裏有功人馬必度及廷會等俱厚賜三十七年遣給事中吳時來行人李際春爲正副使無何時來疏論大學士嚴嵩

奸邪狀嵩言其畏航海之役故生事妄言世宗怒杖時來遣戍改命刑科給事中郭汝霖爲正使偕際春以行三十九年汝霖等尚未行而正議大夫蔡廷會入貢奉表謝恩稱受其世子命以海中風濤巨測倭人出沒不時恐使者有他虞獲罪上國請如正德中封占城故事遣人代進表文方物而身同本國長史梁炫等資回詔冊不煩遣使巡按御史樊獻科以聞下禮部議言琉球在海中諸國頗稱守禮故累朝以來待之優異每國王嗣立必遣侍從之臣奉命服

節冊以往。今使者未至，乃欲遙受冊命，則是委君貺於草莽，其不可一也。廷會奉表入貢，乃求遣官代進，昧以小事大之禮，棄世子專遣之命，其不可二也。昔正德中，流賊爲梗，使臣至淮安，撫按官暫爲留住，候事寧，卽遣貢闕下。占城國王爲安南所侵，竄居他所，故令使者賫回勅命，乃一時權宜。且此失國之君也，造無稽之詞以欺天朝，援失國之君以擬其主，其不可三也。梯船通道，柔服之常，彼所藉口者，特倭人之驚風濤之險耳。不知琛寶之論，納貢使之往來，果何

由而得無患也。其不可四也。當時占城雖領回詔勅，然其王沙古卜洛猶懇請遣使爲蠻邦光重，且廷會非世子面命，又無印信文移。若遽輕信其言，萬一世子以遣使爲至榮，謂遙拜爲非禮，不肯受封，復上請使如占城，將誰任其咎哉。其不可五也。乞令福建守臣以前詔從事，便至於未受封而先謝恩，亦非故典。宜止許入貢方物，候受封後，方進謝恩表文。世宗從之。四十一年，汝霖等始奉詔至國，詔曰：朕受天命，主宰寰宇，凡政令之宣布，惟成憲之是循。其於錫封

之典。遐邇均焉。爾琉球國遠處海陬。聲教漸被。修職效義。閱世已久。故國王尚清顯。荷爵封。粵踰一紀。茲者薨逝。屬國請封。世子元。朕念厥象賢。衆心歸附。是宜承紹國統。特遣正使刑科右給事中郭汝霖副使行人司行人李際春。齎詔往封。爲琉球國中山王。仍賜以皮弁冠服等物。王宜謹守禮度。益篤忠勤。凡國中官僚耆舊。尚其同心翼贊。以佐王。飭躬勵行。用保藩邦。故茲詔示。咸俾悉知。王遣其舅源德偕汝霖等人謝。初王以金四十兩。餽汝霖爲謝。却之。至是源德

等齎所餽金。請命。世宗謂朝廷命使無受謝之義。詔聽汝霖等辭。尋以二臣遠行著勞。各賜銀幣。四十二年。王遣正議大夫鄭憲入貢。送還中國漂流人口。世宗降勅褒諭。賜鏹幣。憲因奏本國亦有流入中國者。乞命守臣恤遣。下其疏於瀕海所司。四十四年。王遣長史梁灼貢馬及方物。送還本國北山守備鄭都所獲中國被掠人口。世宗嘉王忠順。再勅獎諭。仍賜銀五十兩。絲幣四表。裏灼都各二十兩。一表裏。隆慶改元。王遣使入貢。宴賚如例。二年。王遣使入

中山傳信錄卷三
賀宴賚如例。三年王遣守備由必都等歸日本掠去人口守臣以聞穆宗以王屢效忠誠賞銀幣同前仍賜勅獎勵由必都等給銀幣有差。五年王遣正議大夫鄭憲入謝又歸被掠人口再勅獎勵賜銀幣給賞如前遣南監受學官生梁照等三人歸國從王請也王在位十七年壽四十五歲隆慶六年薨。

尚永

明萬曆元年癸巳尚永嗣位。

尚永尚元之第二子嘉靖三十一年生年二十一歲

嗣位。萬曆元年遣使入貢請襲封禮部行福建鎮巡官查勘又送還被掠人民獎賚如例。二年世子遣王舅馬中叟長史鄭佑等十八人入貢賀登極宴賚如例。三年世子兩遣使入貢。四年世子遣正議大夫蔡朝器等貢方物如例給賞外神宗命每五日另給雞鶩米麩酒菓以示優異以戶科左給事中蕭崇業為正使行人謝杰為副使齎皮弁玉圭往封尚永嗣王崇業等疏言四事一願去詔勅如彼國懇留宜加例俯循其請一秩祀海神合舉祈報二祭一

造船宜專責府佐副以指揮二員造完一併隨行。飲食物用弓矢器械以及觀星占風聽水祭土醫卜技藝之流畢備許酌量取用悉如所請。五年正議大夫梁灼入貢表稱世子時崇業等尚未行也。八年慶詔至國詔曰朕受天明命君臨萬方薄海內外罔不來享延賞錫慶恩禮攸同惟爾琉球國遠處海濱恪遵聖教世修職貢足稱守禮之邦國王尚元紹序膺封臣節采謹茲焉薨逝悼切朕衷念其侯度有常王封當繼其世子承德惟象賢惠能得衆宜承國

統承建外藩特遣正使戶科左給事中蕭崇業副使行人司行人謝杰齋詔往封為琉球國中山王仍賜以皮弁冠服等物凡國中官僚耆舊尚其協心翼贊畢力匡扶懋猷勿替於承先執禮益虔於事上綏茲有衆同我太平則亦爾海邦無疆之休勅王曰惟爾先世守此海邦代受王封克承忠順迨於爾父元畏天事大益用小心誠節懋彰寵恩洵被遽焉薨逝良用悼傷爾為冢嗣克修厥美群情既附宜紹爵封茲特遣使封爾為琉球國中山王并賜爾及妃冠服彩

幣等物爾宜恪守王章遵述先志秉禮守義莫境安
民庶幾彰朕無外之仁以永保爾有終之譽王遣土
舅馬良弼入謝偕陪臣子鄭週等三人就學命送南
京國子監如例給衣糧九年王遣正議大夫梁燦
入貢十一年王遣使梁灼入貢十五年王遣正
議大夫鄭禮謝恩別遣使貢方物宴賞悉如例明年
王卒在位十六年年三十五歲

尚寧

明萬曆十七年己丑尚寧即位

尚寧尚真王之孫尚懿之子尚永無世子國人立尚

寧年二十六歲即位遣使鄭禮入貢言國方多事未

暇請封

萬曆十四年日本平秀吉僭稱關白威脅琉球等諸國皆使奉貢又慮琉球洩其情使母

入貢

二十七年寧遣使鄭道等請封部議不必遣官

但取其該國王舅法司等官印結與世子奏本到即

頒封神宗曰今既請封可着選廉勇武臣一員同往

行禮二十九年禮部右侍郎署尚書事朱國祚言

琉球國僻處東南世修職貢時當承襲屢遭倭警延

迨至今既經世子尚寧奏請相應准封其該用皮弁

冠服紵絲等項宜照例應付遣官已奉明旨但據其
陳乞情詞援引會典必以文臣爲請惟聖明裁定乃
命兵科給事中洪瞻祖行人王士禎爲正副使往瞻
祖以憂去以兵科右給事中夏子陽代之 三十三
年神宗命夏子陽等作速渡海以彰大信仍傳諭彼
國以後領封海上著爲定規先是萬曆二十三年琉
球使臣於霸等爲世子尚寧請封撫臣許孚遠以倭
氛未息議遣使齎勅至福建聽來使面領或遣慣海
武臣同彼國使臣往得旨待世子表請然後如議頒

封迨三十八年請封表至則有用武臣之旨二十九
年世子再疏乞差文臣始改後命於時子陽等方齎
勅入聞而巡按方元彥以濱海多事偕撫臣徐學聚
請仍遣武臣前往子陽等具言屬國言不可爽使臣
義當有終乞堅成命以慰遠人俱未報而禮部侍郎
李廷機言宜斷行領封初旨并武臣之遣而罷之於
是御史錢桓給事中蕭道高各具疏力言其不可且
云此議當在欽命未遣之先不當在冊使既行之後
宜行該撫速造海船勿悞今年渡海之期候事竣復

命然後定爲畫一之規先之以文告令其領封海上
永爲遵守從之於是子陽等齋詔之國詔曰朕恭膺
天命誕受多方爰暨海隅罔不幸俾聲教所訖慶賚
惟同爾琉球國僻處東南世修職貢自我皇祖稱爲
禮義之邦國王尚永祇襲王封恪遵侯度倏焉薨逝
良惻朕心其世子寧賢足長人才能馭衆開關請命
恭順有加念其國統攸歸人心胥屬宜膺寵渥固我
藩籬特遣正使兵科右給事中夏子陽副使行人司
行人王士禎齋詔封爲琉球國中山王仍賜以皮弁

冠服等物凡國中官僚耆舊尚其殫忠轉導協力匡
襄堅事上之小心鞏承先之大業永綏海國共享昇
平惟爾君臣亦世世永孚於休又勅王曰惟爾上世
以來建邦海外代膺封爵長固藩維爾又永恪守王
章小心祇畏忠誠茂著稱我優嘉遽至長終良深悼
惻爾爲冢嗣無忝象賢旣允羣情宜崇位號特茲遣
正使兵科右給事中夏子陽副使行人司行人王士
禎齋勅諭封爾爲琉球國中山王并賜爾及妃冠服
綵幣等物爾宜益虔侯度克紹先猷保乂人民奠安

境土庶幾恢朕有截之化抑亦貽爾無疆之休
三十四年夏子陽等事竣復命王遣王舅毛鳳儀及正
議大夫阮國入謝并以二使所却贖金上於朝神宗
命來使齋回王附奏洪永間賜閩人三十六姓知書
者授大夫長史以為朝貢之司習海者授通事總為
指南之備今世久人湮文字音語海路更針常至違
錯乞依往例更賜事下禮部寢之 三十六年王遣
使鄭子孝等十三人入貢宴賚如例 三十八年王
遣王舅毛鳳儀長史金應魁急報倭警致緩貢期福

日本神祖考長十一年已酉

建巡撫陳子貞以聞 四十年浙江總兵官楊崇業
奏報倭情言探得日本以三千人入琉球執中山王
遷其宗器宜勅海上嚴加訓練而兵部疏言倭入琉
球獲中山王則三十七年三月事也世續圖云浦添
孫慶長即察度王之孫興於日本自薩摩洲島舉兵
入中山執王及群臣以歸留二年法司鄭迴法司鄭迴字利
山嘉靖四十四年入太學夏子陽使錄云法司不用
三十六姓今用之自鄭迴始按迴字格橋萬曆七年
入太學與迴為兄弟但鄭迴官至長史為法司者則
迴也今傳寫作鄭迴則尤悞矣迴乃都通事鄭祿第
二子迴第三子其長日達無名迴者不屈被殺王危坐不為動慶長畏

境土庶幾恢朕有截之化抑亦貽爾無疆之休
十四年夏子陽等事竣復命王遣王舅毛鳳儀及正
議大夫阮國入謝并以二使所却贖金上於朝神宗
命來使齎回王附奏洪永間賜閩人三十六姓知書
者授大夫長史以為朝貢之司習海者授通事總為
指南之備今世久人湮文字音語海路更針常至違
錯乞依往例更賜事下禮部寢之
三十六年王遣
使鄭子孝等十三人入貢宴賚如例
三十八年王
遣王舅毛鳳儀長史金應魁急報倭警致緩貢期福

建巡撫陳子貞以聞
四十年浙江總兵官楊崇業
奏報倭情言探得日本以三千人入琉球執中山王
遷其宗器宜勅海上嚴加訓練而兵部疏言倭入琉
球獲中山王則三十七年三月事也世續圖云浦添
孫慶長即察度王之孫興於日本自薩摩洲島舉兵
入中山執王及群臣以歸留二年法司鄭迴
法司鄭迴字利
山嘉靖四十四年入太學夏子陽使錄云法司不用
三十六姓今用之自鄭迴始按迴字格橋萬曆七年
入太學與迴為兄弟但鄭迴官至長史為法司者則
迴也今傳寫作鄭迴則尤悞矣迴乃都通事鄭祿第
二子迴第三子其
長曰達無名迴者不屈被殺王危坐不為動慶長異

之卒放回王在位三十二年壽五十七歲泰昌元年薨

尚豐

明天啓元辛酉尚豐卽位

尚豐尚永弟尚久之第四子也尚寧卒無世子國人

立尚豐萬曆十八年生年三十二歲於天啓元年卽

位是年改元頒登極詔福建布政司三年遣使蔡堅

等貢硫磺馬匹請襲封先是定期二年一貢萬曆間

國被倭難詔停貢已十年至是以爲言部議本國休

養未久暫擬五年一貢待冊封後另議五年豐遣

使入謝并乞封典六年再遣使入貢七年遣正

議大夫蔡延等入貢宴賚悉如例崇禎二年豐遣

使入貢再申前請命禮官何如寵復以履險糜費請

命陪臣領封帝不從乃命戶科左給事中杜三策爲

正使行人司司正楊掄爲副使齎詔及儀物往封尚

豐爲琉球國中山王六年三策等始至國王遣使

入謝九年遣使入貢宴賚悉如例

中山世鑑云王通諸藝始製陶器以贍國用在位二

十年壽五十一歲崇禎十三年薨

尚賢

明崇禎十四年庚辰尚賢嗣位

尚賢尚豐王第三子天啓五年生十七歲嗣位十七年遣使金應元入貢請襲會中朝道阻不得歸王在位七年壽二十三歲順治四年薨

尚質

大清順治五年戊子尚質嗣位

尚質尚賢之弟崇禎二年生年二十一歲嗣位先是

尚賢請封未報使者留閩中至是與通事謝必振等至江寧投經畧臣洪承疇轉送入京禮部言前朝勅印未繳未便授封遣通事諭旨六年賢弟尚質稱世子遣本國通事周國盛齎表歸誠隨通事入朝七年遣王舅阿榜琨正議大夫蔡錦等奉貢入賀船漂沒未達八年

世祖章皇帝令來使周國盛齎勅歸諭世子十年世子遣王舅馬宗毅正議大夫蔡祚隆等貢方物繳前朝勅印請封備言其國王歿勅即隨葬惟尚寧未葬

故卽以寧勅齋繳。十一年又遣官進貢請封賜國
王蟒緞二綵緞六藍緞二素緞二閃緞二錦三紬四
羅四紗四。賜王妃綵緞四閃緞一藍緞二素緞三錦
二羅四紗四。賞王舅綵緞表裏各四。正議大夫綵緞
表裏各三藍緞一紬二羅二。使者綵緞表裏各二藍
緞一紬一羅一紗一。通事從人紗緞紬布銀兩各有
差。遣兵科愛惜喇庫哈番張學禮爲正使行人司行
人王垓爲副使。賜詔書一道。鍍金銀卽一顆。令二年
一貢。進貢人數不得過二百五十人。許正副使二員。

從人十五名入京。餘俱留邊聽賞學禮等疏。請十事。
部議賜一品蟒服於欽天監。選取天文生一人。南
方自擇醫生二人。賜儀仗給驛護送。外給從人口糧。
至福建修造渡海船。選將弁二兵二百人隨行。因海
氛未靖。還京待命未行。

今上御極念遠人延佇日久。譴責學禮等。卒遣行康熙
二年奉。

詔勅至國。詔仍順治十一年所頒。
勅則康熙元年也。

勅曰皇帝勅諭琉球國世子尚質爾國慕恩向化遣使入貢

世祖章皇帝嘉乃抒誠特頒恩賚命使兵科副理官張學禮等齎捧勅印封爾為琉球國中山王乃海道未通滯閩多年致爾使人物故甚多及學禮等奉掣回京又不將前情奏明該地方督撫諸臣亦不行奏請迨朕屢旨詰問方悉此情朕念爾國傾心修貢宜加優卹乃使臣及地方各官逗留遲悞豈朕柔遠之意今已將正副使督撫等官分別處治特頒恩賚仍遣

正使張學禮副使王垓令其自贖前罪暫還原職速送使人歸國一應勅封事宜仍照

世祖章皇帝前旨行朕恐爾國未悉朕意故再降勅諭俾爾聞知

詔曰帝王祇德應治協於上下靈承於天時則薄海通道罔不率俾為藩屏臣朕懋績鴻緒奄有中夏聲教所綏無間遐邇雖炎方荒畧亦不忍遺故遣使招徠欲俾仁風暨於海澨爾琉球國粵在南徼乃世子尚質達時識勢祇奉明綸即令王舅馬宗毅等獻方物

中山傳信錄卷三
稟正朔。抒誠進表。繳上舊詔勅印。朕甚嘉之。故特遣正使兵科副理官張學禮。副使行人司行人王垓。齎捧詔印。往封爲琉球國中山王。仍賜以文幣等物。爾國官僚及爾氓庶。尚其輔乃王。飭乃侯。度協摠。乃盡守乃忠誠。慎又厥職。以凝休祉。綿於奕世。故茲詔示。咸使聞知。賜王印一緞幣三十。妃緞幣二十。三年。王遣陪臣吳國用金正春奉表謝恩進貢。且疏言。捧讀勅諭。因臣使物故甚多。滯閩日久。將正副使併督撫諸臣處治。但中外均屬臣子。臣躬承天庥。不能少

爲諸臣之報。而反重爲諸臣之累。臣何人。斯豈能。然清夜。買干。命。一。平。全。平。二。十。正。意。隨。海。來。無。不。

上命還學禮等原職。賜國王蟒緞二。綵緞四。藍緞二。素緞二。閃緞二。錦二。紬二。羅二。紗二。賞王舅綵緞表裏各四。羅四。羅四。靴一。雙。綵緞三。紫金大夫綵緞表裏各四。羅三。靴一。雙。使者綵緞表裏各二。折鈔布四。通事從人緞布有差。四年。中山王遣使進香并賀。登極進貢。其貢物有在梅花港口。遭風漂溺者。奉旨免其補進。五年。補進貢物奉。

旨發回。又令應進瑪瑙烏木降香木香象牙錫速香下
香檀香黃熟香等十件。不係土產。免其進貢。其硫磺
留福建督撫收貯。餘所貢方物。令督撫差人解送。其
來使不必賞送。到京。卽給賞遣回。六年。令貢使仍
令賞表入覲。七年王卒。在位二十一年。壽四十歲。
尚貞

大清康熙八年己酉尚貞嗣位。

尚貞尚質子。順治二年生。年二十五歲嗣位。康熙八
年進貢耳目官。到京於常貢外。加進紅銅及黑漆嵌

螺茶碗。照例給賜。惟正使不係王舅。與副使正議大
夫賞同。十年進貢於常貢外。加進鬃煙番紙蕉布
其被風飄失貢物。免其查議。十二年進貢於常貢
外。加進紅銅及火爐絲煙。十八年補進。十七年貢
物。除赴京存留官件外。其餘員役。令先乘原船歸國。
十九年遣使進貢奉

諭琉球國進貢方物。以後止。令貢硫磺海螺殼紅銅。其
餘不必進貢。貢物舊有金銀罐金銀粉匣金銀酒海
泥金彩畫屏風泥金扇泥銀扇畫扇蕉布苧布紅花

胡椒、蕪木、腰刀、大刀、鎗、盔、甲、馬鞍、絲綿、螺盤、後俱免。
進外有加貢物。無定額。熟硫磺一萬二千六百觔。海
螺殼三千個。紅銅三千觔。二十年遣使入貢。
上以貞恪共藩職。當耿精忠叛亂之際。屢獻方物。恭順
可嘉。賜勅褒諭。仍賜錦幣五十。又於常貢內免其貢
馬。著為例。二十一年。世子遣耳目官毛見龍。正議
大夫梁邦翰。上言。先王尚質於康熙七年。告薨。貞嫡
嗣應襲爵。具通國結狀。請封。禮部議。航海道遠。應令
貢使領封。見龍等固請。部議執不可。與幅對五結大

上特允之。命翰林院檢討汪楫為正使。內閣中書舍人
林麟焟為副使。楫等疏陳七事。一請頒
御筆一請照例

諭祭海神。一渡海之期。不必專候貢使。一請帶修船官
一同渡海。一請給關防。一請增兵護行。一請預支俸
銀。奏上。

御筆大書中山世土四字。賜王特許。帶修船匠役隨行。
製祭文二道。祈報海神。并給俸二年。以往二十二年
年。楫等渡海。先行諭祭。故王禮。

諭祭文曰朕受天景命君臨萬邦殊方海澨罔不賓服
凡有恪共藩職累世輸誠則必生加錫命之榮歿隆
賻卹之典所以旌揚歸附柔懷荒遠垂爲國憲昭示
億年爾琉球國中山王尚質式廓前徽誕膺世祚作
藩屏於南海輯圭瑞於中邦浮航貢賚稟遵王享之
規踰險求章虔秉朝宗之志方謂河山永固帶礪之
胙常存何期霜雪遄零松栢之姿忽謝眷言藩服朕
實傷焉爰沛褒綸優加祭卹賜卹銀一百兩濶絹五
十疋次行

冊封禮詔曰朕躬膺天眷統御萬邦聲教誕敷遐邇率
俾粵在荒服悉溥仁恩奕葉承祧并加寵錫爾琉球
國地居炎徼職列藩封中山王世子尙貞屢使來朝
貢獻不懈當閩疆反側海寇陸梁之際篤守臣節恭
順彌昭克殫忠誠深可嘉尙茲以序當續服奏請嗣
封朕惟世繼爲家國之常經爵命乃朝廷之鉅典特
遣正使翰林院檢討汪楫副使內閣中書舍人加一
級林麟焯齎詔往封爲琉球國中山王爾國臣僚以
及士庶尙其輔乃王慎修德政益勵悃誠翼戴天家

慶延宗祀實惟爾海邦無疆之休故茲詔示咸使聞知又勅主曰惟爾遠處海隅虔修職貢屬在冢嗣序應承祧以朝命未膺罔敢專擅恪遵典制奉表請封朕念爾世守臣節忠誠可嘉特遣正使翰林院檢討汪楫副使內閣中書舍人加一級林麟焜齋勅封爾為琉球國中山王并賜爾及妃文幣等物爾祇承寵眷懋紹先猷輯和臣民慎固封守用安宗社於苞桑永作天家之翰屏欽哉母替朕命賜王蟒緞錦幣三十疋妃二十疋二十二年遣法司王舅毛國珍紫

金大夫王明佐等謝封汪楫等同京復為題請遠人向化請賜就學奉大夫

旨准令就學二十五年王遣官生梁成楫蔡文溥阮維新鄭秉鈞四人入大學附貢使耳目官魏應伯正議大夫曾夔船桅折傷秉鈞飄至太平山修船二十七年始到京

上令照都通事例三人日廩甚優春秋四季賜袍掛衫褲靴帽被褥俱備從人皆有賜又月給紙筆墨硃銀乙兩五錢特設教習一人又令博士一員督課三

十年貢使耳目官溫允傑正議大夫金元達到京國
王請官生歸國賜宴各給賞雲緞紬布等乘傳厚給
遣歸 三十二年王遣耳目官馬廷器正議大夫王
可法等入貢方物宴賚有差 三十四年遣耳目官
翁敬德正議大夫蔡應瑞入貢 三十六年遣耳目
官毛天相正議大夫鄭弘良入貢 三十八年遣耳
目官毛龍圖正議大夫梁邦基入貢 四十年遣耳
目官毛得範正議大夫鄭職良入貢毛得範行至杭
州病卒 四十二年遣耳目官毛興龍正議大夫蔡

應祥入貢 四十四年遣耳目官溫開榮正議大夫
蔡肇功入貢 四十六年遣耳目官馬元勳正議大
夫程順則入貢 四十八年國中多災宮殿盡焚殿
廳頰作人畜多死草木皆枯 遣耳目官向英正議
大夫毛文哲入貢是年七月十三日王卒在位四十
一年壽六十五歲

尚益

大清康熙四十九年庚寅尚益嗣位

尚益尚貞王世子尚純之子尚純爲世子時先卒尚

益以嫡孫嗣位年三十三歲立 康熙五十年遣耳目官孟命時正議大夫阮維新入貢 五十一年七月十五日王卒立三年未及請封

尚敬

大清康熙五十二年癸巳尚敬嗣位

尚敬尚益第一子年十四歲康熙五十二年立是年遣耳目官毛九經正議大夫蔡灼入貢灼 至福州卒 五十四年遣耳目官馬獻功正議大夫阮璋入貢 五十六年遣耳目官夏執中正議大夫蔡溫入

貢且告曾祖尚貞與其父尚益之喪請襲疏云琉球

國中山王世曾孫尚敬謹奏為請

封襲爵以效愚忠以昭盛典事臣曾祖尚貞於康熙四

十八年七月十三日薨逝臣祖尚純為世子時早已

棄世臣父尚益未及請封已於康熙五十一年七月

十五日薨逝念臣小子曾孫承祧然侯服有度不敢

僭稱王業永存循例請襲俾臣拜

綸音於海島砥柱中流膺

詔命於波區雄藩外甸謹遣陪臣耳目官夏執中正議

大夫蔡溫等虔齋奏請伏望

聖恩體循臣曾祖事例乞差天使封襲王爵上光

寵渥之盛典下効恭順之微忱庶藩業得以代代相傳

頂祝

皇恩世世不朽矣 五十七年六月朔遣翰林院檢討

海寶編修徐葆光充正副使往封 五十八年又遣

耳目官向秉乾正議大夫楊聯桂入貢聯桂行至通

州病卒海寶等於五十八年六月朔至國諭祭冊封

諸宴禮皆畢五十九年二月海寶等自琉球還代請

官生入太學讀書并請給海神天妃春秋祀典皆蒙

准行王遣王舅向龍翼紫金大夫程順則入貢并謝封

貢金鶴盃甲馬鞍等物賜宴賚有差詳載第二卷內

中山傳信錄卷第三

中山傳信錄卷第三
善德天皇御宇
西曆一千九百零九年
大正十七年
八月廿九日
大正十七年
八月廿九日
大正十七年
八月廿九日

